



香港聖子學會
MAY 27 1923
非道則退
李牛馬道五十二號



土岐文庫
文庫17
W84
57



文獻 17
W841
5

列聖開基舊



丹。凌。瑞。靄。籠。星。躔。環。極。北。王。氣。亘。關。東。一。旅。璇。圖。擴。千。秋。

景。運。隆。闔。門。開。奕。奕。雙。闕。鬱。葱。葱。式。廓。幽。岐。業。貽。謀。

鎬。雒。功。綏。懷。昭。

睿。畧。謨。烈。贊。天。工。佐。命。來。褒。鄂。陪。都。壯。虎。熊。三。邊。餘。武。烈。

六。合。淡。仁。風。蓋。代。規。模。濶。敷。天。翊。戴。雄。秋。風。霸。陵。樹。

落。日。鼎。湖。弓。勝。霧。增。山。勢。長。松。倚。殿。籬。

皇。心。殷。孝。享。

法。駕。幸。遼。中。太。史。占。星。應。春。光。奏。日。同。旌。門。起。長。樂。帳。殿。



昭和六十年二月一日
土岐市立博物館
寄贈

010155187337

唐詩名跡身卷三
駐岐鄠地寶神都出橋虹御水通萬靈隨步輦千仗
扈行宮燎火分霄白霓旌映曉紅潭龍盤與宅苑鹿
擾花叢肅拜

橋山聳恭瞻

寢廟崇升香酬

祖德執鬯展

宸衷九奏陳圭瓚周親獻稷種諸藩皆貢篚百職遍呼
嵩受福誠難量推

恩本大公望

陵迴玉仗旋

蹕警花驄東國朝元盛南都錫宴豐復除霑露潤賚予
慶春融處處欣逢歲人人欲效忠車攻脩武備柴望

格

蒼穹永立齊民則歡承

聖母躬化光成

大孝錫類自無窮

皇覽堯葬丹陵直隸志山海關在永平府東輿圖備
考遼東西至山海關一千一百里通鑑前編夏少康
有田一成有衆一旅古今注象魏門為雙闕通考秦
叔寶封襄國公尉遲敬德封鄂國公書舜典益拜稽

首讓于朱虎。羅熊。李義山詩。六國三邊未到憂。風俗通。漢文帝葬霸陵。因山為藏。不復起墳。史記。黃帝鑄鼎成。騎龍上升。墮其弓。百姓抱其弓。以號名。曰烏號之弓。名其處曰鼎湖。一統志。長樂宮本秦之興樂宮。漢廣之。漢郊祀志。黃帝接萬靈。明廷。張說詩。京城燎火。徹明開。上林賦。拖霓旌。靡雲旂。帝王世紀。黃帝崩。羣臣葬其衣冠于橋山。詩。七月。黍稷種。陸。六帖。唐太宗有玉面花驄。

禹陵

蔣平階

大禹巡南守。相傳此地崩。禮同虞帝陟。神契鼎湖升。窆石形摹古。墟宮世代仍。探竒疑是穴。考典或言陵。玉帛千年會。山河一氣憑。

御香來敕使。主守付髡僧。樹暗巖雲積。苔深壑雨蒸。鶴鷄

呼冢柏。蝙蝠下祠燈。餘烈猶於越。分封並祀鄧。國前明德祚。人有霸圖稱。往者三光墜。江天一障棄。投戈降北固。授甲守西興。冲主嘗虛已。謀臣動自矜。普天皆爵祿。無地使賢能。合戰山回霧。窮追海踐冰。蠡城迷白草。鏡沼爛紅菱。樵采岡林徧。弓刀鳴壁增。遺文留什碣。仄逕長荒藤。望古頻搔首。傷時獨拊膺。會稽山色好。悽惻忍重登。

史夏本紀。帝禹東巡守。至于會稽而崩。書舜典。三十登庸。三十在位。五十載陟。方乃死。史封禪書。黃帝於荆山之下。鼎既成。有龍垂胡鬚。下迎黃帝。黃帝上騎羣臣。後宮從上者七十餘人。後世因名其處曰鼎湖。

紹興府志窆石在禹廟之左狀如秤錘舊經禹葬會稽用此石為窆上有古隸不可讀楊時有題名史記敘傳上會稽探禹穴皇覽禹塚在會稽山自先秦古書帝王墓皆不言陵之名實自漢始帝王世紀禹會諸侯于塗山執玉帛者萬國杜詩山河一氣旁紹興府志禹陵每三年傳制齋香帛致祭登極遣官告祭會稽縣志禹陵設陵戶二人陸機詩疏鵠怪鳥一日鴟鴞一日鴟鵂廣韻蝙蝠伏翼一名飛鼠史越世家贊禹之功大矣及苗裔句踐終滅強吳號稱霸王蓋有禹之遺烈焉史記正義少康封庶子於越遂稱於越史越世家越王句踐其先禹之苗裔而夏后少康之庶子也封于會稽以奉守禹之祀說文郇奴姓國在東海春秋四年鄆子來朝左傳美哉禹功禹之明德遠矣初學記日月星為三光浙江武備志蕭山縣江干汎廣輿記北固山在鎮江府治北梁武帝常幸此改曰北顧浙江通志蕭山西興鎮在縣西十二里古西陵也錢王鏐屯兵惡陵字改曰興孟子尊賢使能越絕書山陰大城者范蠡所築治也陸門三水門三越州圖經鏡湖因軒轅鑄鏡其旁故名亦曰鏡湖詩語李白登華山落雁峯口恨不攜謝朓驚人句來搔首問青天耳鮑昭詩以手拊膺坐長歎山海經會稽之山四方其上多金玉郭璞注今在會稽郡山陰縣南上有禹冢

○恭和

御製靈谷寺元韻

錢陳羣

覽古循鐘阜青鴛落照中嘉名靈谷舊往事大江東
結構非初地蕭條向晚風千花餘寶塔累劫自珠宮
佛見毫光白雲開日彩紅

皇心叅妙諦萬象證虛空

廣輿記在應天府東北古所謂鍾山龍盤是也大藏經須彌山下有青鴛伽藍梵網經盧舍那佛住蓮華藏世界海周遍有千葉一葉一世界為千世界法苑珠林阿育釋迦弟子能役鬼神一日夜于天下造佛骨寶塔八萬四千皆從地湧出無量壽佛經佛言彼佛成佛以來已歷十劫華嚴經佛在阿蘭若法菩提場中清淨摩尼以為嚴飾注摩尼此言珠法華經放眉間白毫光焰東方八萬四千世界正理論日道須彌山焰四天下

賦得循名責實

蔡以臺

品望從名定聲華待實傳。循環無自始責備有由先。每愧虛車意常懷尚網篇。探珠窮赤水採玉認藍田。但使神冲爾何妨道闇然。真機察表裏妙緒徹中邊。白責宜中吉黃離匪外緣。

聖朝崇樸學明鑑仰高懸

孫子奇正相生若循環之無端莊子黃帝游于赤水之北道其乎珠使離朱索之而不得也乃使象罔象罔得之長安志藍田山在長安縣東南三十里其山產玉易貢卦上九白責無咎象曰白責無咎上得志也易離卦黃離元吉象曰日黃離元吉得中道也

仲春

御經筵恭紀

傅隆阿

夾鐘調玉瑄瑞靄集瑤編講學開

金殿尊經布

法筵懋修希往聖。啓沃賴時賢。桂棟含芳遠。蘭楹繪彩鮮。
蒞函浮日暖。鏐檢帶風妍。靜對鵷鸞列。時聞義蘊宣。
詩書呈妙理。易象法真詮。

帝哲源流會。

皇衷體備全。舜圖浮洛渚。軒鏡照花甄。

指示恒親切。精微邁古先。大官隨輦後。文綺

賜階前。願比龍池柳。承

恩映九天。

禮月令仲春之月律中夾鐘拾遺記舜在位西王母
乘鹿獻白玉瑤通書士希賢賢希聖聖希天楚詞九

歌桂棟兮蘭楹魚龍河圖舜與羣臣觀河有黃龍負
圖實帝前潛確類書軒轅鏡形如卷可作卧榻前懸
掛以辟邪山精水魅形在鏡則消亡
走退唐錢起詩龍池柳色雨中深

仲春恭紀

經筵禮成

諸錦

象緯瞻階泰。

宸章煥賁文。火龍丹地繪。星鳥伴春殷。無逸端為政。欽明

邁放勳。九賓齊拜肅。七德盡調勻。

申命開華殿。橫經鼓大昕。琳琅森寶笈。馥郁展香芸。鶴立

煙初繞。

天高聽亦聞。絲綸彌六合。謨訓惜分陰。孔思周情遠。居今稽古勤。小心常作合。脩禮以為耘。故事承魚佩。

新恩賜醴醺。竚看敷席處。五色爛祥雲。

漢東方朔傳願陳泰階六符易賁卦觀于人文以化成天下六帖禁中皆以丹漆畫地唐張說詩火龍明鳥道書堯典日中星鳥以殷仲春天文考南方七宿其精朱鳥言行錄趙鼎侍講范冲乞依仁宗邇英閣故事寫書無逸為圖設于講殿書堯典日若稽古帝堯曰放勳欽明文思史籀相如傳秦王設九賓唐樂志七德舞文舞也韓詩金薤垂琳琅六帖芸香能辟蠹魚故稱芸省蘇詩侍臣鶴立通明殿禮記工言如絲其出如綸易繫辭放之則彌六合晉書陶侃日昔大禹惜寸陰我輩當惜分陰李漢昌黎集序周情孔思日光玉潔詩文王小心翼翼晉無逸所其無逸禮禮運脩禮以耕之陳義以種之講學以辨之東都事

聖滿宗孟為翰林學士神宗日學士職清地近自今宜令佩魚學士佩魚自宗孟始史儒林傳楚王戊嘗為穆生設醴酒皮日休詩金醴從酸亦自醴唐王建詩太平天子朝元日五色雲車駕六龍

原原本本無之不宗經誥直當以有韻之文與昌黎為勅敵矣

丙辰

殿試讀卷紀事和李高陽太傅元韻 楊雍建

雞人傳曉殿曳珮及晨征擢策榮高第當軒羅眾英。纓雲旋紫極疎雨潤春城上苑花迎露皇州柳轉鶯。蛟螭尺幅競葵藿寸心傾研匣朱黃共星芒牛斗橫。

元公懷自慎

滿座鑒尤明奏對

天顏近班隨晝日榮品題承

睿斷咨詢協鈞衡坐論恩何渥茶分韻獨清策名慙瓦礫

感遇荷衢亨得傍爐烟復還同燕喜賡由來始進重

勿謂致身輕偃革占星瑞台階自此平

通考公孫豹以對策高第路史八伯歌曰卿雲爛兮
糺繆繆兮乾象考中宮天極星紫微大帝室也漢古
詩芙蓉頌朝陽唐陸龜蒙傳校比勤動朱黃不去手
晉書張華與雷煥登樓見斗牛間有紫氣燭天煥曰
寶劍氣也易大畜卦上九荷天之衢亨詩小雅
吉甫燕喜天文考三台天帝幸文館之階也

賦得玉壺冰

福明安

壺。白。方。列。玉。冰。清。直。擬。瑤。晶。明。原。作。合。皎。潔。自。相。招。

寶。器。虛。能。受。寒。容。結。未。銷。圓。融。含。璧。彩。澄。靜。息。氛。囂。

朗。若。珠。輝。乘。熒。如。燭。照。宵。琉。璃。同。映。徹。雲。母。共。光。昭。

頓。覺。塵。心。淨。都。忘。雪。色。驕。

聖明冰鑑裏提挈正堪邀

國策魏王謂齊王曰寡人國小尚有珠前後各照十
二乘者十枚韓送石洪序蓋燭照數計而龜下也格
古論石琉璃出高麗刀刮不動色白厚半寸許可點
燈明于牛角者異物志天竺國出雲母重杳可開折
之薄如蟬翼積之乃如紗縠
孟子曰玉之曰猶白雪之白

賦得燈緣起草挑

達麟圖

綸扉清切地。待詔直良宵。草向黃麻起。燈從紫禁挑。
紗籠光爛熳。彩筆影飄搖。未減燃藜夜。常連染翰朝。
院鈴風裏動。宮漏月中逢。寫禁憲景俱到情鳳諾頻相檢。龍膏幾度銷。卽今裁五色。憶昔限三條。意外主情幸沐

君恩重。瑤函捧碧霄。

會要唐北院制詔俱用黃麻惟拜相用白麻賈至早朝詩如朝染翰待君王唐韓偓詩坐久忽聞鈴索動玉堂西畔響丁東類苑唐時詔著諾字形如鳳尾故曰鳳尾詔拾遺記服昭王坐通靈之臺燃龍膏爲燭烟色如丹唐王維詩朝罷須裁五色詔會要唐舉人入試每人給獨三條

侍直圓明園賦得紅藥當階翻 張麟錫

清和當四月。芍藥殿春紅。重疊霞千簇。參差錦一叢。
紫樓圍玉砌。金帶壓雕籠。魚子攢心細。鸞翎刷瓣工。
蘸香聞馥郁。握管狀玲瓏。直切上十里揚州上。千金畫省中。漏盤欺絳幘。

宸極傍丹楓。倘作和羹用。鹽梅定許同。

寓意佳

羣芳譜芍藥開最後江南謂之婪尾春劉貢父芍藥譜疊香英紫樓于第六後山叢詔廣陵芍藥紅瓣而黃腰號金帶圍無種有時而出則城中富有宰相段成式詩醉袂細侵魚子纈劉貢父芍藥譜蘸金香第
十八金蓋紫單葉孔常父芍藥序芍藥之美專于揚州張于湖芍藥詞風前十里揚州夢又天香國色千

金重浙江古蹟志臥龍山上黃閣有古銅漏泊漏盤
王維詩絳幘雞人報曉籌白帖景福殿賦有云楓槐
披宸故曰楓宸字典楓葉迎霜即赤故曰丹楓
七發和羹芍藥之醬書說命若作和羹爾惟鹽梅

○賦得紫禁朱櫻出上闌

鄒一桂

重恩開紫禁。鮮果錫朱櫻。光合瑛盤照。輕宜翠籠盛。珊瑚
抛的的。火齊燦熒熒。獻廟欽春薦。分甘荷

聖情。百官階下舞。中使手中擎。香荔輕南越。仙桃並海瀛。
蠟珠原飼鳳。崖密豈含鶯。飽食榮

君賜臣心勵赤誠

拾遺記漢明帝月夜晏羣臣于照園大官進櫻桃以
赤瑛為盤賜羣臣月下視之盤與桃同色羣臣皆笑

云是空盤韓勅櫻桃詩香隨翠籠擎初到博物志海
中珊瑚出水見風則堅而赤帝心石湖櫻桃詩火齊實
瓊絡垂于綠繭禮記月令孟夏之月天子羞以合
桃先薦寢廟王維勅賜櫻桃詩中使頻傾赤玉盤李
義山櫻桃詩越鳥誇香荔齊名亦未甘拾遺記磅礮
山去扶桑五萬里日所不及其地寒有桃子一萬
年一實楊膳夫錄櫻桃有三種黃而白者曰蠟珠禮
高誘註合桃即櫻桃為鳥所食故曰合桃唐王維櫻
桃詩飽食不須愁內熟北
史啓民朝來甚有丹誠

○賦得春蠶作繭

沈德潛

蠶月條桑後。蠶家閉戶嚴。纏綿絲漸吐。宛轉縷俱銜。
巧性形能肖。藏身裏似緘。圓時疑比甕。掛處想栢巖。
理緒覩多蘊。文心悟不凡。已看筐滿蒲。旋摘手摻摻。

黼黻憑巢藉。荆揚足貢函。冰絃成五色。

河廟奏韶咸。

詩七月蠶月條桑古學彙纂蠶室築宮棘牆而外閑之晉作蠶絲曲春蠶不應老晝夜常懷絲何惜微軀盡纏綿自有時古今文致蠶性甚巧每作繭時見一物必肖其形述異記園客種五色香草啖華蠶得繭一百二十八枚大如囊練之經月不盡後漢光武紀野蠶成繭被子山阜本草衍義石蠶于石上作絲繭如釵股長寸許以蔽其身詩魏風摻摻女手可以縫裳書禹貢揚州厥篚織貝荆州厥篚予纁璣組乘書清廟之瑟朱絃而疎越莊子至樂咸池九韶之樂張之洞庭之野

未嘗不本本原而出之煉液歸神之後自爾唐捐色印也押韻愈險而彌近自然尤見梯雲取月之妙

賦得蠶月條桑

陳華組

浴種乘芳序。桑畦密蔭稠。扣題已訖一行微徑去。幾處滿籃收。乍可迎風細。還宜帶雨柔。籠烟青似黛。照水綠如油。畫出活景野外鳴禽囀。牆陰芳草留。已知完曲植。寧敢後筐鉤。婦職幽風誌。蠶功月令修。

聖仁寰海徧衣被慶宸游

禮書公桑蠶室近川為之以其便于浴種也詩七月遵彼微行注牆下微徑也鮑昭登大雷岸與妹書半山而下純為黛色白詩湖號錢塘瀉綠油禮月令是月也具曲植籩筐詩幽風女執懿筐爰求柔桑禮月令季春之月省婦使以勸蠶事蠶事既登分繭稱絲効功王整蠶母傳贊自古未有婦人立功作為文章

制度以衣被天下如母者也

○農乃登麥

周人麒

麩麥明昭賜農家福共膺秋成猶未報夏至已先登
日暖金莖簇風暄玉粒凝兩岐沾雨露九穗壓溝塍
鍾艾村村急車箱處處增既典亦雋間闌歌樂利婦子盡
歡騰祈寶魚曾薦嘗新瓊合升押韻

皇心勤率育豐稔自頻仍

詩臣工於皇來牟將受厥明明昭上帝迄用康年書
堯典平秩西成禮月令孟夏之月麥秋至漢書張堪
為漁陽太守民歌曰桑無附枝麥秀兩岐宋五行志
太平興國四年温州禾一莖九穗詩周頌奄觀銜艾
詩小雅乃求千斯倉乃求萬斯箱詩疏季春薦魚于
寢廟又禮月令季春天子乃為麥祈實史記晉侯夢
大厲召桑田巫曰不食新矣晉侯欲麥使甸人獻麥
召巫而殺之將食如廁陷而卒禮月令孟夏之月農
乃登麥天子以彘嘗麥詩
周頌貽我來牟帝命率育

賦得迎歲早梅新

馬燦

老幹饒生意凌寒報好春一枝留古色數朶合天真
羲馭遲遲轉韶華冉冉新扣迎皴烟疑入畫籠月恍
如神先得三春氣何來一點塵句句超脫東皇原有約朔
雪豈無因既識陽和早還知臨照均

聖恩春浩蕩調鼎屬何人自命正殊凡筆

荆州記陸凱與范曄相善自江南折梅花一枝詣長沙與曄並贈詩六帖日馭日羲和合璧類編袁豐有梅六株花時恒苦為鄰烟所薰乃為壁以障之林逋梅花詩暗香浮動月黄昏楚詞九歌有東皇太乙杜詩炎風朔雪天皇地史記伊尹負其鼎俎以滋味說湯餘見上馬詩注

賦得所樂在人和

張麟錫

聖治崇敦睦。民心應翕和。太平真有象。樂事更無他。蜡蠟

豐年例。康衢上古歌。鼙聲塵市少。情話里門多。田村景如

畫 扶杖怡黃髮。提壺聚綠蓑。訟庭喧鳥雀。人海靜風波。普協

皇圖慶胥由

至德摩時雍。今再見萬載輯干戈。

唐書大平無象列子堯微服遊于康衢聞之童謠曰立我烝民莫非爾極不識不知順帝之則書秦誓尚稱詢茲黃髮則爾所愆張志和詞青箬笠綠蓑衣書堯典黎民於變時雍詩周頌載戩于戈

賦得崇文德化洽

瑞應圖書啓。清時經術崇。同文昭

聖治徧德驗

皇風俎豆欽。先哲鈞陶洽。化工崇文實政卷阿嘗霽霽。械樸更

芄芄。學耨情田熟。書澆心地融。兩階干羽格。重譯語言通。麗日開元象。卿雲繪太空。會宜咨典樂。金石奏

風

晉天文志奎壁圖書之府詩卷阿霽霽王多吉士詩
械樸芄芄械樸薪之標之禮記人情以為田通鑑前
編周公相成王越裳氏重九譯而獻白雉史天官書
卿者喜氣也書舜典帝曰夔命汝典樂左傳魏絳于
是始有金石之樂

唐

唐制試體皆六韻偶有八韻者則是主司
所限或士子自增今錄數首以備體裁

奉和天樞成宴夷夏羣寮應制

通鑑武后天冊
萬歲元年天樞

成后自書曰大周萬國頌德天樞注其
制若柱鐵山為之趾立於端門之外

李嶠

轍迹光西嶮勳庸紀北燕何如萬方會頌德九門前

灼灼臨黃道迢迢入紫烟仙盤正下露高柱欲承天

山類叢雲起珠疑大火懸聲流塵作劫業固海成田

帝澤傾堯酒宸歌掩舜弦欣逢下生日還都上皇年

西嶮日入處也見穆天子傳北燕用後漢書竇憲北
伐勒銘燕然山事法華經如人以力磨三千大千土
復盡未為塵一塵為一劫神仙傳麻姑語王方平接
待以來見東海三為桑田詩譜序上皇之世注謂伏
羲三皇以前

奉和幸韋嗣立山莊侍宴應制

唐書韋嗣立中
宗景龍中同中

書門下三品又景龍二年帝幸嗣立山莊封
為逍遙公名所居曰清虛原幽棲谷命羣臣
賦詩長安志嗣立營構別業于
驪山有重崖洞壑飛流瀑水

宋之問

樞掖調梅暇。林園藝槿初。入朝榮劍履。退食偶琴書。
 地隱東巖室。天回北斗車。旌門臨窳窳。輦道屬扶疎。
 雲罕明丹壑。霜笳徹紫虛。水疑投石處。溪似釣璜餘。
 帝澤頒卮酒。人歡頌里閭。一承黃竹詠。長奉白茅居。
劍履見漢書蕭何傳。驪山長安東山。故曰東巖。史記天官書。斗為帝車。周禮。掌舍設旌門。窳窳深造貌。西京賦。望窳窳以徑廷。上林賦。載雲罕。注。旗也。李康運命論。張良受黃石之符。誦三略之說。其遭遇漢主也。如以石投水。莫之逆也。黃竹歌。見穆天子傳。

夏日花萼樓酬宴應制

唐書。以隆慶舊邸為興慶宮。天子於宮西南置樓。西曰花萼。相輝。

南曰勤政務本。

王昌齡

土德三元正。堯心萬國同。汾陰備冬禮。長樂應和風。
 賜慶垂天澤。流歡舊渚宮。樓臺生海上。簫鼓出天中。
 霧曉筵初接。宵長曲未終。雨隨青幕合。月照舞羅空。
 玉陛分朝列。文章發聖聰。愚臣忝書賦。歌詠頌絲桐。
十六國春秋。從上元人皇起。至中元。下元。盡三元。而止。漢武帝紀。祠汾陰。渚宮。用左傳。指興慶宮龍池。而言。

○ 奉和御製璟與張說源乾曜同日上官命宴都

堂賜詩應制

宋璟

丞相邦之重。非賢諒不居。老臣庸且憊。何德以當諸。

厚秩先為忝。崇班復此除。太常陳禮樂。中掖降簪裾。
聖酒山河潤。仙文象緯舒。冒恩懷寵錫。陳力省空虛。
郭隗慙無駿。馮諼愧有魚。不知周勃者。榮幸定何如。
郭隗馮諼並見國策不知用陳平傳問
決獄不知問錢穀不知事句法畧晦

元元皇帝應見賀聖祚無疆

唐祖老子追尊為元元皇帝開元二

十九年上夢元元云吾像在京城西南百餘里遣使求得之迎置興慶宮設立廟于天寧坊天寶七年元元降神于朝元閣題係天寶年事應見謂靈應顯著屢見其形賀謂羣臣上賀

趙鐸

聖主今司契神功格上元豈惟求傅野更有叫鈞天

審夢南山下。焚香北闕前。道光尊聖日。福應集靈年。
咫尺真容近。巍峩大象懸。觴從百寮獻。形為萬方傳。
聲教惟皇矣。英威固邈然。慚無美周頌。徒上祝堯篇。

傅野用書夢賚良弼意叶鈞天用史記秦穆公夢帝饗以鈞天廣樂事俱切夢漢武故事立宮於巡省五岳日集靈殿萬方指元宗命兩京諸州各置元元廟

送趙大夫護邊

駱賓王

外域分都護。中臺命職方。欲傳清廟畧。先取劇曹郎。
已佩登壇印。猶懷伏奏香。百壺開祖餞。駟牡戒戎裝。
青海連西掖。黃河帶北涼。關山瞻漢月。戈劍宿胡霜。

體國才先著。論兵策復長。果持文武術。還繼杜當陽。
漢鄭吉傳。吉威震西域。遂并護軍師。以西北道號都護。謝靈運。晉書。漢官尚書為中臺。○職方氏。是周禮大司馬。後漢書。百官志。尚書令使十八人。增劇曹二人。干三州記。青海在臨羌縣。應劭風俗記。張掖言張國。管掖以威。羌狄。晉地理志。沮渠蒙遜為北涼分。據河西。晉杜預傳。孫皓既平。以功封當陽縣侯。

和姚給事寓直之作

宋之問

清論滿朝陽。高才拜夕郎。還從避馬路。來接珥貂行。
寵就黃扉日。威回白簡霜。梧臺遷鳥茂。蘭署得人芳。
禁靜鐘初徹。更疎漏漸長。曉河低武庫。流火度文昌。
寓直恩徽重。乘秋藻翰揚。喧投空欲報。下調不成章。

漢舊儀。黃門郎日暮入對青瑣門。拜名曰夕郎。後漢書。桓典為侍御史。執正無所迴避。常乘驄馬。京師為之語曰。行行止止。避驄馬。御史董巴。輿服志。禁門曰黃閣。晉書。傅元。每有奏劾。或值日暮。捧白簡。整簪帶。竚立待旦。崔纂。御史箴。簡上霜凝。漢書。朱博傳。御史府中列柏樹。常有野鳥數千。栖宿其上。通典。御史中丞在殿中。蘭臺三輔黃圖。武庫在未。央宮。蕭何造。以藏兵器。詩。不成報章。

春日歸山寄孟浩然

李白

朱綬遺塵境。青山謁梵筵。金繩開覺路。寶筏度迷川。
嶺樹攢飛栱。崖花覆谷泉。塔形標海月。樓勢出江煙。
香氣三天下。鐘聲萬壑連。荷秋珠已滿。松密蓋初圓。
鳥聚疑聞法。龍參若護禪。媿非流水韻。叨入伯牙絃。

法華經黃金為繩以界入道金剛經知我說法如後
喻者道經三天者清微天禹餘天大赤天抱朴子天
陵偃蓋之松雜寶積經鸛雀口中銜艸語諸鳥言鳥
皆聚集神僧傳淨長溪僧結茆為室有龍天矯而出
呼而馴
擾焉

送王相公赴范陽

錢起

翊聖銜恩重。頻年按節行。安危皆報國。文武不緣名。
受脤仍調鼎。為霖更洗兵。幕開丞相閣。旗總貳師營。
料敵知無戰。安邊示有征。代雲橫馬首。燕雁拂笳聲。
去鎮關河靜。歸看日月明。欲知瞻戀切。遲暮一書生。
左傳師者受命于廟受脤于社注脤祀肉也漢公孫宏傳起客館開東閣以待賢人

賦得月照冰池

李商隱

皓月方離海。堅冰正滿池。金波雙激射。璧彩兩參差。
影占徘徊處。光含的皪時。高低連素色。上下接清規。
顧兔飛難定。潛魚躍未期。鵲驚俱欲繞。狐聽始無疑。
似鏡將盈手。如霜恐透肌。獨憐遊翫意。達曉不知疲。
漢書郊祀志月穆穆以金波注言若金之波流也王
林賦明珠子的皪江母屈子問天厥利惟何而顧
兔在腹水經注河水始合車馬不敢過要須狐往云
此物善聽水下無水乃過二句以鵲欲繞水狐不
疑月
互說

河出榮光

尚書中候帝堯卽政七十載修壇
洛仲月辛日禮備至于日稷榮光出

河

張良器

引派崑山峻。朝宗海路長。千齡逢聖主。五色瑞榮光。
 隱映浮中國。晶明助太陽。坤維連浩漫。天漢接微茫。
 丹闕清氛裏。函關紫氣旁。位尊應號伯。道泰每呈祥。
 習坎靈逾久。居卑德有常。龍門如可涉。忠信是舟梁。
爾雅河出崑崙墟拾遺記黃河千年一清晉書比大
 坤維孝經授神契河者水之伯上應天漢史記秦改
 河曰德水。龍
 門見書禹貢

唐詩笈歸集卷之三終

唐詩笈歸集卷之四 續集

宜豐黃六鴻思齋註釋

上谷李時濶榮圃增訂

子權平山校字

○ 奉和嚴中丞西城晚眺十韻

唐書嚴武傳累遷
殿中侍御史為劍

南道節度使
封鄭國公

杜南

汲黯匡君切。廉頗出將頻。直詞才不世。雄畧動如神。
 政簡移風速。詩清立意新。層城臨暇景。絕域望餘春。
 旌尾蛟龍會。樓頭燕雀馴。地平江動蜀。天濶樹浮秦。
 帝念深分闔。軍須遠算緡。花羅封蛺蝶。瑞錦送麒麟。

辭第輸高義。觀圖憶古人。征南多興緒。事業闡相親。

漢書汲黯傳為大中大夫數切諫史記廉頗趙之良將漢書朱博才畧不世出漢書馮唐傳古者命將跪

而推轂曰闔以外將軍制之通鑑石虎制民供軍須

漢書元狩四年初算緡錢遠算緡言不事科斂也晉

杜預傳拜征南將軍

送王協律遊杭越十韻

唐百官志太常寺協律郎二人正八品上掌和

呂律

元稹

去去莫淒淒。餘杭接會稽。松門天竺寺。花洞若耶溪。

浣渚逢新艷。蘭亭識舊題。山經秦帝望。壘辨越王棲。

江樹春常早。城樓月易低。鏡呈湖面出。雲疊海潮齊。

章甫官人戴。蓴絲姪女提。長干迎客鬧。小市隔煙迷。

紙亂紅藍壓。甌凝碧玉泥。荆南無抵物。來日為儂攜。

唐地理志餘杭郡屬江南道方輿勝覽北山有上天竺中天竺下天竺水經注若耶溪水至清明衆山倒影如畫孔臯會稽記苧蘿山邊有石云是西施浣紗石方輿勝覽蘭亭在山陰縣王羲之修禊處本草蓴葉似鳧葵浮水上三月至八月莖細如釵股名絲蓴後漢書桓帝時童謠曰河間姪女工數錢說文姪少

女也吳都賦長干延屬注在越城唐志杭州貢物有藤紙會稽有瓷器

奉和幸肅嗣立山莊應制

李嶠

南洛師臣契。東巖王佐居。幽情遺綬冕。宸眷屬樵漁。

制下峒山蹕。恩同灞水輿。松門駐旌蓋。薜幄引簪裾。

唐詩卷四 十韻

石磴平黃陸。煙樓半紫虛。雲霞仙路近。琴酒俗塵疎。
喬木千齡外。懸泉百丈餘。崖深經鍊藥。穴古舊藏書。
樹宿搏風鳥。池潛縱壑魚。寧知天子貴。尚憶武侯廬。

山莊在洛水南說苑郭隗曰帝者之臣其名臣也其實師也黃陸即黃道圖經黃帝與浮丘仙人煉丹于黃山方輿記小酉山中藏書千餘卷搏風見莊子王褒聖主得賢臣頌沛乎如巨魚縱大壑

將赴朔方軍應制

李嶠

禮樂逢明主。韜鈴用老臣。恭憑神武策。遠靜鬼方人。
供帳恩榮餞。山川喜詔巡。天文日月送。朝賦管絃新。
幼志傳三畧。衰材謝六鈞。瞻瞻猶忠作。屏心故道為鄰。

漢保河南地。胡清塞北塵。連年大軍後。不日小康辰。

劍舞輕離別。酣歌忘苦辛。從來思博望。許國不謀身。

隋經藉志太公六韜五卷列仙傳呂尚釣於磻溪得兵鈐於魚腹中神武見易繫辭鬼方見易既濟文選注在漢為先零羌供帳見漢書疏廣傳陸機文賦流管絃而日新左傳顏高之弓六鈞漢武帝紀遣將軍衛青收河南地大軍見史記李將軍傳漢書張騫傳封博望

奉和聖製幸玉真公主山莊因題石壁十韻之

作應制 文獻通考玉真公主睿宗第十女入道不嫁

王維

碧落風煙外。瑤臺道路賒。如何連帝苑。別自有仙家。
比地回鑿駕。緣谿轉翠華。洞中開日月。窻裏發雲霞。

庭養冲天鶴。溪流上漢查。種田生白玉。泥竈化丹砂。
 谷靜泉逾響。山深日易斜。御羹和石髓。香飯進胡麻。
 大道今無外。長生詎有涯。還瞻九霄上。來往五雲車。
度人經東方第一天碧霞過滿是云碧落如何即何如唐人慣如此用易地上有水比相比無間之意近本作此非孫綽天台賦王喬控鶴以冲天搜神記羊公雍伯居無終山有人與石子種之生好玉遂名玉田史記封禪書李少君言視竈則丹砂可化為黃金仙經神山五百年一開石髓出服之壽與天齊胡麻用續齊諧記劉晨阮肇入天台採藥仙女留過家進胡麻飯事庚信詩北屬五雲車按史記封禪書上欲與神通乃作畫雲氣車

和耿拾遺元日觀早朝

司空曙

元日爭朝闕。奔流若會溟。路塵和薄霧。騎火接低星。
 門響雙魚鑰。車搖百子鈴。冕旒當翠殿。幢戟滿彤庭。
 積歲方編瑞。乘春即省刑。大官陳禹玉。司歷獻堯蓂。
 壽酒三觴退。簫韶九奏停。太陽開物象。沛澤及生靈。
 南陌高山碧。東方曉氣青。自憐楊子賤。歸草太元經。
拾遺記帝以文章迎薛靈芸前有雜寶為龍鳳銜百子鈴和鳴于野左傳臣侍君宴過三爵非禮也

行次昭陵

以下俱十二韻

杜甫

舊俗疲庸主。羣雄問獨夫。識歸龍鳳質。威定虎狼都。
 天屬尊堯典。神功協禹謨。風雲隨絕足。日月繼高衢。

文物多師古。朝廷半老儒。直詞寧戮辱。賢路不崎嶇。
往者災猶降。蒼生喘未蘇。指麾安率土。盪滌撫洪鑪。
壯士悲陵邑。幽人拜鼎湖。玉衣晨自舉。石馬汗常趨。
松柏瞻虛殿。塵沙立暝途。寂寥開國日。流恨滿山隅。
舊唐書太宗方四歲有書生見之曰龍鳳之姿天日
之表國策秦虎狼之國也莊子此以天屬謂父子也
登樓賦假高衢而騁力漢書宣帝賜霍光玉衣梓宮
錢箋缺馬英華作石馬安祿山事蹟潼關之戰我軍
既敗賊將崔乾祐領白旗引左右馳突見黃旗軍
與戰遂敗昭陵奏是日靈宮前石人馬皆汗流

奉和聖製巡省途次上黨舊宮

時開元十一年春

潞州上黨郡上黨縣唐時開元十一年春

蘇頌

潞國臨淄邸。天王別駕輿。出潛離隱際。小徑大來初。
東陸行春典。南陽即舊居。約川星罕駐。扶道日旂舒。
雲覆連行在。風回助掃除。太行城邑望。臯落土田疏。
昔試邦興后。今過俗後予。示威寧校獵。崇讓不陳漁。
府吏趨宸扆。鄉耆捧帝車。帳傾三飲處。閑整六飛餘。
盛業銘汾鼎。昌期應洛書。願陪歌賦末。留比蜀相如。
明皇帝初封臨淄王出潛二句用易乾泰二卦意
漢律歷志百行東陸謂之春後漢光武帝紀南陽宛
人蔡邕獨斷天子以四海為家謂日行在所韓子黃
帝合鬼神於太山風伯進掃太行山名落臯即落
臯氏地王林賦天子校獵注以五校兵出獵也陳
漁見左傳梁簡文帝賦沛縣有三日之飲安漢高祖

本紀上還過沛張飲三日武帝紀元鼎元年得鼎汾水上書傳天與禹洛出書相如用本傳獻賦事

奉和中書常舍人衣晚秋集賢院即事寄贈徐

薛二侍御

獨孤及

漢家金馬署。帝座紫微郎。圖籍凌虛玉。歌詩冠柏梁。陰陰萬年樹。肅肅五經堂。揮翰忘朝食。研精待夕陽。晴空露盤迥。秋月瑣牕涼。遠興生斑鬢。高情寄縹囊。葳蕤雙鸞鷲。夙昔並翱翔。汲冢同刊謬。蓬山共補亡。差池摧羽翮。流落限江湘。禁省一分袂。昊天三雨霜。石渠遺跡滿。水國暮雲長。早晚朝宣室。歸時道路光。

隋經籍志鬼苟勗分四部總括羣書盛以縹天二維鷓鴣鷺鷥鳳凰屬也按詩以喻徐薛晉東晉使汝神人發魏冢得竹書數十車即汲冢周書山以喻禁中三輔舊事石渠閣在未央殿北以藏秘書

○冬日洛城北謁元元皇帝廟原注廟在北邙山有吳道子畫五聖

圖 以下十四韻

杜甫

配極元都闕。憑高禁禦長。守祧嚴具禮。掌節鎮非常。碧瓦初寒外。金莖一氣旁。山河扶繡戶。日月近雕梁。仙李蟠根大。猗蘭奕葉光。世家遺舊史。道德付今王。畫手看前輩。吳生遠擅場。森羅移地軸。如絕動宮牆。五聖聯龍袞。千官列雁行。冕旒俱秀發。旒旆盡飛揚。

翠柏深留景。紅梨迥得霜。風箏吹玉柱。露井凍銀牀。
身還卑。周室經傳拱。漢皇谷神如。不死養拙更何鄉。

道藏道君處大元都。周禮守桃掌守先王先之荀
桃注遷主所藏曰桃。神仙傳老子生而能言指李樹
為姓。唐會要開元時勅升老子為列傳首。居伯夷上
封演聞見記。明皇親注道德經。今學者習之。天寶
八載上高祖太宗高宗中宗睿宗諡皆曰大聖皇帝。
郭知達注掛箏於風際。風至則鳴。露井露地之井。
古樂府後園鑿井銀作牀。道德經功成名遂身退天
之道也。列仙傳為柱下史。見周德衰乃乘青牛而去。
老氏聖紀圖河上公授漢文道德
經帝齋戒受之。老子谷神不死。

和孫朴韋蟾孔雀詠

李商隱

此去三梁遠。今來兩里攜。西施因網得。秦客被花迷。

可在青鸚鵡。非關碧野雞。約眉憐翠羽。刮膜想金篦。
瘴氣籠飛遠。蠻花向坐低。輕於趙皇后。貴極楚懸黎。
都護憐羅幕。佳人炫繡鞋。屏風臨燭卸。捍撥倚香臍。
舊思牽雲葉。新愁待雪泥。愛堪通夢寐。畫不得端倪。
地錦排蒼雁。簾鈎鏤白犀。曙霞星斗外。涼月露盤西。
妬好休誇舞。經寒且少啼。紅樓三十級。穩穩上丹梯。

三梁在桂管。西施沉江見吳越春秋逸篇。在吳亡
後此云網得未詳。秦客蕭史也。南方異物志。鸚鵡
有三種。一青一白一五色。碧野雞見漢郊祀志。
刮膜詳酬贈百韻。久遭瘴氣纔得遠離。或對蠻花
猶思舊事。白帖趙飛燕體輕能掌上舞。國策梁有懸
黎楚有和璞。往音圭。婦人上服。海錄碎事。捍撥在

琵琶面上當絃 雲葉言舊跡已遷雪泥言當前仍
勿紀聞孔雀性如遇好衣服則逐而啄之

謁先主廟

以下十六韻

杜甫

慘。淡。風。雲。會。乘。時。各。有。人。力。俾。分。社。稷。志。屈。偃。經。綸。
復。漢。留。長。策。中。原。仗。老。臣。雜。耕。心。未。已。歐。血。事。酸。辛。
霸。氣。西。南。歇。雄。圖。歷。數。屯。錦。江。元。過。楚。劍。閣。復。通。秦。
舊。俗。存。祠。廟。空。山。泣。鬼。神。虛。簷。交。鳥。道。枯。木。半。龍。鱗。
竹。送。清。溪。月。苔。移。玉。座。春。閭。闔。兒。女。換。歌。舞。歲。時。新。
絕。域。歸。舟。遠。荒。城。繫。馬。頻。如。何。對。搖。落。况。乃。久。風。塵。
孰。與。關。張。並。功。臨。耿。鄧。親。應。天。才。不。小。得。士。契。無。隣。
遲。暮。堪。帷。幄。飄。零。且。釣。緝。向。來。憂。國。淚。寂。寞。灑。衣。巾。
蜀志亮在渭南分兵屯田為久駐之策耕者雜於渭
渭濱居民之間百姓安堵魏志亮憂志嘔血發病卒
後漢書耿弇鄧禹以中興功
封侯漢書運籌帷幄之中

奉和中書崔舍人八月十五日夜翫月二十韻

以下二

劉禹錫

暮。景。中。秋。爽。陰。靈。既。望。圓。浮。精。離。碧。海。分。照。接。虞。淵。
迥。見。孤。輪。出。高。從。倚。蓋。旋。二。儀。還。皎。澈。萬。象。共。澄。鮮。
整。御。當。西。陸。舒。光。麗。上。元。從。星。變。風。雨。順。日。助。陶。甄。
遠。近。同。時。望。晶。瑩。此。夜。偏。運。行。調。玉。燭。潔。白。應。金。天。

曲沼疑搖鏡。通衢若象筵。逢人盡冰雪。遇景即神仙。
引素吞銀漢。凝清洗綠煙。臯禽警露下。鄰杵思風前。
水是還珠浦。山成種玉田。劍况三尺影。燈罷九枝然。
象外形無迹。寰中影自遷。稍當雲闕正。來映斗城懸。
靜對揮華翰。閑臨襲彩牋。境同牛渚上。宿在鳳池邊。
興掩尋安道。詞勝命仲宣。從今只貴後。不復詠陳篇。

謝莊賦。月以陰靈。淮南子。日薄虞淵。是為黃昏。晉天文志。天圓如倚蓋。淮南子。月仰日望。舒亦曰。織阿爾雅。四時和謂之玉燭。注。道光照也。玉筠。燈然詩。百花耀九枝。晉袁宏傳。謝尚鎮牛渚。秋夜乘月泛江。會宏在舫中。尚即迎與談論。語林。王子猷雪中訪戴安道。造門而反。曰。乘興而來。興盡而反。何必見安道耶。謝

莊賦。沈吟齊章。殷勤陳篇。抽毫進牘。以命仲宣。晉左思傳。三都賦。成人競傳寫。洛陽為之紙貴。

○ 奉贈太常張卿垺二十韻 杜甫

方丈三韓外。崑崙萬國西。建標天地潤。詣絕古今迷。
氣得神仙迥。恩承雨露低。栢門清議衆。儒術大名齊。
軒冕羅天闕。琳瑯識介珪。伶官詩必誦。夔樂典猶稽。
健筆凌鸚鵡。銛鋒瑩鸕鷀。友于皆挺拔。公望各端倪。
通籍踰青瑣。亨衢照紫泥。靈蚪傳夕箭。歸馬散霜蹄。
能事聞重譯。嘉暮及遠黎。弼諧方一展。班序更何躋。
適越空顛躓。遊梁竟慘悽。謬知終畫虎。微分是醢雞。

萍泛無休日。桃陰想舊蹊。吹噓人所羨。騰躍事仍睽。
碧海真難涉。青雲不可梯。顧深慙鍛鍊。才小辱提攜。
檻束哀猿叫。枝驚夜鵲棲。幾時陪羽獵。應指釣黃溪。

魏志三韓辰韓馬韓弁韓詩簡兮序注伶氏世掌樂官故後世號樂官為伶官爾雅注鵠鵠育中瑩刀劍南史謝舉傳人倫儀表久著公望端倪見莊子注端篇也倪時也陸倕漏刻銘靈虬承注公嘗客吳越遊梁宋後漢馬援傳画虎不成反類狗者也莊子孔子見老子出語顏回曰丘之道其猶醯雞乎注甕中蟻蠓也按楊雄傳客有荐雄文似相如者末二句終望張之薦引也

○ 贈特進汝陽王二十二韻

舊唐書讓皇帝長子璿封汝陽郡王天寶

初加特進百官志文散階正二品曰特進以下二十二韻 杜甫

特進羣公表。天人夙德升。霜蹄千里駿。風翮九霄鵬。
服禮求豪髮。推忠忘寢興。聖情常有眷。朝退若無憑。
仙醴來浮蟻。奇毛或賜鷹。清關塵不雜。中使日相乘。
晚節嬉遊簡。平居孝義稱。自多親棣萼。誰敢問山陵。
學業醇儒富。辭華哲匠能。筆飛鸞聳立。章罷鳳蹇騰。
精理通談笑。忘形向友朋。寸長堪繾綣。一諾豈驕矜。
已忝歸曹植。何如對李膺。招要恩屢至。崇重力難勝。
披霧初歡夕。高秋爽氣澄。樽罍臨極浦。鳥雁宿張燈。
花月窮遊宴。炎天避鬱蒸。硯寒金井水。簷動玉壺冰。

瓢飲惟三徑。巖棲在百層。謬持蠶測海。况把酒如繩。
鴻寶寧全秘。丹梯庶可凌。淮王門有客。終不愧孫登。

漢官儀諸侯功德優盛賜位特進表表帥也魏略邯鄲淳見曹植嘆為天人鍾繇表不差毫髮賈子新書十毫曰髮十髮曰釐若無憑以如失左右手意為是兩句通說曹植七啓浮蟻鼎沸注酒名舊唐書讓皇帝葬槁陵號惠陵璣上表懇辭朱注此所謂誰敢問山陵也以曹植比汝陽自謙不如王粲輩故曰已忝以杜密自比見汝陽可方李膺故曰何如按後漢書膺密名行相次時稱李杜西征記太極殿前有金井逸士傳許由手捧水飲人遺以一瓢飲許掛樹上高士傳蔣詡歸杜陵荆棟塞門舍中三徑東方朔傳以蠶測海注瓢勺也如繩見左傳劉向傳淮南王有鴻寶秘書謝靈運詩即此凌丹梯注山也蓋謂升仙之路神仙傳淮南三客教千人晉隱逸傳孫登居北山嵇康從之遊登決其難免康果遭非命作

詩曰昔慚柳下今愧孫登按謂身遇賢王非若康之所遇非時也

送從兄使新羅

顧况

六氣銅渾轉。三光玉律調。河宮清奉寶。海嶽晏來朝。
地絕提封入。天平賜貢饒。揚威輕破虜。柔腹耻征遼。
曙色黃金闕。寒聲白鷺潮。樓船非習戰。驄馬是嘉招。
帝女飛銜石。鮫人賣淚綃。管寧雖不偶。徐市儻相邀。
獨島緣空翠。孤霞上泐寥。蟾蜍同漢月。蠅螬異秦稿。
水豹橫吹浪。花鷹迥拂霄。晨裝凌莽渺。夜泊記招搖。
幾路通員嶠。何山是沃焦。颶風晴汨起。陰火暝潛燒。

鬢髮成新髻。人參長舊苗。扶桑銜日近。析木帶津遙。
夢向愁中積。魂當別處銷。臨川思結網。見彈欲求鴉。
共散羲和歷。誰差甲子朝。滄波伏忠信。譯語辨謳謠。
叠鼓鯨鱗隱。陰帆鷁首飄。南溟垂大翼。西海飲文鯨。
指景尋靈草。排雲聽洞簫。封侯萬里外。未肯後班超。

漢律曆志天有六氣降生五按六氣陰陽風雨晦明也漢書東方朔傳提封頃畝注謂提舉四封隨煬帝紀大業七年征遼左軍號二百萬枚乘七發濤始起也若白鷺之下翔山海經鳥名精衛自呼曰赤帝之女常取石以填海魏管寧傳將家属浮海史記秦始皇遣徐市入海求仙齊地記始皇作石橋欲過海觀日出處西京賦溢水豹漢天文志近北斗者招搖莊子司馬彪注尾一腹水之從海出者也一名沃焦頓表

緣異夏秋雄風曰颶爾雅析木謂之津莊子見彈而求鴉炙

○寄彭州高三十五使君適虢州岑二十七長史

參三十韻

杜甫

故人何寂寞。令我獨淒涼。老去才難盡。秋來興甚長。
物情尤可見。辭客未能忘。海內知名士。雲端各異方。
高岑殊緩步。沈鮑得同行。意慳關飛動。篇終接混茫。
舉天悲富駱。近代惜盧王。似爾官仍貴。前賢命可傷。
諸侯非棄擲。半刺已翱翔。詩好幾時見。書成無信將。
男兒行處是。客子鬪身強。羈旅推賢聖。沉緜抵咎殃。

三年猶瘧疾。一鬼不銷亡。隔日搜脂髓。增寒抱雪霜。
 徒然潛隙地。有覩屢鮮妝。何太龍鍾極。於今出處妨。
 無錢居帝里。盡室在邊疆。劉表雖遺恨。龐公至死藏。
 心微傍魚鳥。肉瘦怯豺狼。隴草蕭蕭白。洮雲片片黃。
 天彭劔閣外。號略鼎湖旁。荆玉簪頭冷。巴巖染翰光。
 烏麻蒸續曬。丹橘露應嘗。豈異神仙宅。俱兼山水鄉。
 竹齋燒藥竈。花嶼讀書床。更得清新否。遙知對屬忙。
 舊官寧改漢。淳俗本歸唐。濟世宜公等。安貧亦士常。
 蚩尤終戮辱。胡羯漫猖狂。會待妖氛靜。論文暫裏鄉。

沈鮑謂沈約鮑照唐書富嘉謨文章本經術以監察御史卒又賂賚王能詩終臨海丞又盧賡陸官止新都尉自沈穎水死又王勃官止虢州參軍溺水憐而卒庾亮書別駕任居刺史之半沈約文因遇沉河綿留氣序錢箋龍鍾演義謂不昌熾不翹舉襄陽耆舊傳龐德公隱鹿門山劉表求之不得水經注天彭山兩相對其形如闕謂之天彭門虢畧見左傳唐書魏州先曰陽州以鼎湖名寰宇記荆山在鼎湖縣出美玉一紙譜蜀箋紙有經眉表光等名本草烏麻生中原山谷蜀都賦戶有柚橘之園列子貧者士之常仇滄柱曰凡排律多在首聯扼題若作長排必在首段總挈如此篇用四語標眼後用四段分應寄賈嚴五十韻用兩語提綱後用兩扇對承細心體翫方見杜詩脈絡之精密

寄岳州賈司馬六丈巴州嚴八使君兩閣老五

十韻 賈至傳坐小法貶岳州司馬嚴武傳坐房琯事貶巴州刺史 杜甫

衡岳遠啼裏。巴州鳥道邊。故人俱不利。謫宦兩悠然。
開闢乾坤正。榮枯雨露偏。長沙才子遠。釣瀨客星懸。
憶昨趨行殿。殷憂捧御筵。討胡愁李廣。奉使待張騫。
無復雲臺仗。虛修水戰船。蒼茫城七十。流落劍三千。
畫角吹秦晉。旄頭俯澗瀍。小儒輕董卓。有識笑符堅。
浪作禽填海。那將血射天。萬方思助順。一鼓氣無前。
陰散陳倉北。晴熏太白巔。亂麻屍積衛。破竹勢臨燕。

法駕還雙闕。王師下八川。此時霑奉引。佳氣拂周旋。
貔虎開金甲。麒麟受玉鞭。侍臣諳入仗。廐馬解登仙。
花動朱樓雪。城凝碧樹烟。衣冠心慘澹。故老淚潺湲。
哭廟悲風急。朝正霽景鮮。月分梁漢米。春給水衡錢。
內蕊繁于纈。宮莎軟勝綿。恩榮同拜手。出入最隨肩。
晚著華堂醉。寒重繡被眠。轡齊兼秉燭。書在滿懷牋。
每覺昇元輔。深期列大賢。秉鈞方咫尺。鍛鑄再聯翩。
禁掖朋從改。微班性命全。青蒲甘受戮。白髮竟誰憐。
弟子平原憲。諸生老伏虔。師資謙未達。鄉黨敬何先。

舊好腸堪斷新愁眼欲穿。翠乾危棧竹紅。小湖蓮
 賈筆論孤憤。嚴詩賦幾篇。定知深意苦。莫使眾人傳。
 貝錦無停織。朱絲有斷絃。浦鷗防碎首。霜鶻不空拳。
 地僻昏炎瘴。山稠隘石泉。且將暴度日。應用酒為年。
 與郡終為眇。治中實棄捐。安排求傲吏。比興展歸田。
 去去才難得。蒼蒼理又元。古人稱逝矣。吾道卜終焉。
 隴外翻投跡。漁陽復控弦。笑為妻子累。甘與歲時遷。
 親故行稀少。共戈動接連。他鄉饒夢寐。失侶自迍邐。
 多病加淹泊。長吟阻靜便。如公盡雄俊。志在必騰奮。

後漢嚴光傳。耕富春山人名。其釣處為嚴陵瀨。又光武與光同卧。太史奏客星犯帝座。庾信賦。猶有雲臺之仗。國策。燕破齊七十餘城。莊子。趙王喜劍。劍客來者三千餘人。天官書。昂曰。旄頭。胡星也。晉書。苻堅伐晉而敗。為鮮卑所滅。史記。宋王偃以革囊盛血射之。名曰謝天。唐書。寶雞本陳倉縣。鳳州有太白山。史記。死人如亂麻。晉杜預傳。兵戎已震。勢如破竹。唐書。肅宗還京。哭廟三日。又。乾元元年正月。上皇授帝傳。國寶。後漢書。章帝以梁漢儲米給民。應劭漢書注。水衡少府。皆天子私藏。內蕊宮。莎大內中。花草。纈綿。特借以比况。亂後見之。彌覺可喜耳。蜀都賦。烏鍛。翻。注。鍛。殘也。漢書。史丹伏青蒲泣。諫。注。青綠蒲席也。詩。指公。疏。救房瑄事。顧炎武曰。諸生應用伏生事。伏不名。虞蓋。誤用。服虔也。司馬遷文。韓非因秦說難。孤憤。仇洽。杜。謂賈筆。應用。長沙。痛哭。流涕。語嚴詩。則用嚴助作賦。頌十數篇。意。後漢。黃香傳。典郡從政。杜氏通典。開皇初。改治中為司馬。屯。遣。見。易。屯卦。謝靈運詩。還得靜者便。

梁橋水川詩式曰作大篇當布置首尾停勻腰腹
肥滿多見人前面有餘後面不足前面極工後面
草草不可不知又曰作大篇須有開閣乃妙

秋日夔府詠懷奉寄鄭監六李賓客之芳 一百

韻按鄭審為秘書少監李之芳拜禮部尚書改太子賓客時兩人俱在峽外

杜 甫

絕塞烏蠻北孤城白帝邊飄零仍百里消渴已三年
雄劍鳴開匣羣書滿繫船亂離心不展衰謝日蕭然
筋力妻孥問菁華歲月遷登臨多物色陶冶賴詩篇

峽東滄江起巖排古樹圓拂雲帶狸楚氣朝海蹴吳天
煮井為鹽遠燒畝度地偏有時磬鳴疊嶂何處直平川
鷗鴻雙雙舞鴈候壘壘懸碧蘿巨比似帶錦石小如錢
春草何曾歇寒花亦可憐獵人吹戍火野店引山泉
喚起搔頭急扶行幾屐穿兩京猶薄產四海絕隨肩
幕府初交薛郎官幸備員瓜時拘旅寓萍泛苦黃綠
藥餌虛狼籍秋風灑靜便開襟驅瘴癘明日掃雲烟
高宴諸侯禮佳人上客前哀箏傷老大華屋艷神仙
南內開元曲常時弟子傳法歌聲變轉滿座涕潺湲

手影夔州僻。回腸杜曲煎。卽今龍廐水。莫犬戎羶。
耿賈扶王室。蕭曹拱御筵。乘威滅蠹蔓。戮力效鷹鷂。
舊物森猶在。凶徒惡未悛。國須行戰伐。人憶止戈鋌。
奴僕何知禮。恩榮錯與權。胡星一彗孛。黔首遂拘攣。
哀痛絲綸切。煩苛法令蠲。業成陳始王。兆喜出于畋。
宮禁經綸密。台階翊戴全。熊羆載呂望。鴻雁美周宣。
側聽中興主。長吟不世賢。音徽一桂數。道里下牢千。
鄭李光時論。文章並我先。陰何尙清省。沈宋歛聯翩。
律比岷崙竹。音知燥溼絃。風流俱善價。愜當久忘筌。

置驛常如此。登龍蓋有焉。雖云隔禮數。不敢墜周旋。
高。視。收。人。表。虛。心。味。道。元。馬。來。皆。汗。血。鶴。唳。必。青。田。
羽。翼。商。山。起。蓬。萊。漢。閣。連。管。寧。紗。帽。淨。江。令。錦。袍。鮮。
東。郡。詩。題。壁。南。湖。日。扣。舷。遠。遊。凌。絕。境。佳。句。染。華。牋。
每。欲。孤。飛。去。徒。爲。百。慮。牽。生。涯。已。寥。落。國。步。乃。迤。邐。
衾。枕。成。蕪。沒。池。塘。作。棄。捐。別。離。憂。怛。怛。伏。臘。涕。漣。漣。
露。菊。斑。豐。鎬。秋。菰。影。澗。漚。共。誰。論。昔。事。幾。處。有。新。阡。
富。貴。空。回。首。喧。爭。懶。著。鞭。兵。戈。塵。漠。漠。江。漢。月。娟。娟。
局。促。看。秋。燕。蕭。疎。聽。晚。蟬。雕。蟲。蒙。記。憶。烹。鯉。問。沉。綿。

卜美君平仗。偷存子敬壇。囊虛把釵釧。米盡折花鈿。
甘子陰涼葉。茅齋八九椽。陣圖沙北岸。市暨襄西頭。
羈絆心常折。棲遲病卽痊。紫收岷嶺芋。白種陸池蓮。
色好梨勝頰。穰多粟過拳。勅廚惟一味。求飽或三鱸。
兒去看魚筍。朋來坐馬韉。縛柴門窄窄。通竹溜涓涓。
塹抵公畦稜。邨依野廟堧。缺籬將棘拒。倒石賴藤纏。
借問頻朝謁。何如穩醉眠。誰云行不遠。自覺坐能堅。
霧雨銀章濕。馨香粉署妍。紫鸞無近遠。黃雀任翩跹。
困學違從衆。明公各勉旃。聲華夾宸極。早晚到星躔。

懇諫留匡鼎。諸儒引服虔。不過輸鯁直。會是正陶甄。
宵旰憂虞軫。黎元疾苦駢。雲臺終日畫。青簡爲誰編。
行路難。何有招尋興。已專由來具。飛檝暫擬控。鳴弦
身許雙峰寺。門求七祖禪。落帆追宿昔。衣褐向真詮。
安石名高晉。昭王客赴燕。途中非阮籍。查上似張騫。
披豁雲寧在。淹留景不延。風期終破浪。水怪莫飛涎。
他日辭神女。傷春怯杜鵑。淡交隨聚散。澤國遶洞沿。
本自依迦葉。何曾藉偃佺。爐峰生轉盼。橘井尙高寒。
東走窮歸鶴。南征盡跼鳶。晚聞多妙教。卒踐塞前愆。

顧愷丹青列。頭陀琬琰鏤。眾香深黯黯。幾地肅芊芊。

勇猛為心極。清羸任體孱。金篦空刮眼。鏡象未離銓。

舊注 萬州以西有烏蠻。鮑照詩。雙劍將別離。先在匣

中鳴 地鏡圖。楚氣如馬。蜀都賦。濱以鹽池。劉注。出新

井縣 農書。荆楚多畝田。先縱火而後下種。唐書。開元

十四年 又增廣興慶宮。謂之南內。唐會要。開元二年

上於 黎園。自教法典。號皇帝。梨園弟子。後漢書。論耿

賈之 洪烈。謂耿弁。賈復也。管子。權不兩錯。政不一門。

壽序 七月。陳王業也。周公遭變。陳后稷先公風化所

出 又。鴻雁美。宣王能勞來。還定安集也。一統志。一柱

觀在 松滋縣。元和郡國志。下牢鎮在夷陵。原注。鄭在

江陵 李在夷陵。陰何陰鏗何遜也。文心雕龍。雅好

清省 沈宋沈佺期宋之間也。朱异詩。或賦聯翩之

章 韓詩外傳。時有燥濕。絃有緩急。莊子。得魚而忘筌

後漢 李膺傳。獨持風裁。被延接者。名為登龍門。永嘉

郡記 青田鶴。精白可愛。多云神仙所養。漢張良傳。四

皓 從太子遊羽翼已成。後漢書。學者稱東觀為道家

蓬萊 江總集序。皇儲以山水稱袍。隆賜。江陵在巴

東 故曰東郡。漢書。莊君平卜于成都。得百錢。則閉肆

下 簾。晉王獻之傳。夜有偷人入其室。獻之曰。青瑣我

家 舊物。可特置之。晉桓溫傳。諸葛亮造八陣圖於魚

復 平沙之上。原注。陝人曰。市井泊船處曰市。暨江水

通 山谷處。謂之漢貨。殖傳。岷山之下。有蹲踞。注。芋也

任 助。述異記。吳中有陸家。自是種。西京雜記。暉陽栗

大 如拳。三鱸。見楊震傳。詩。意謂旅食淡泊也。馬

薦 見戰國策。猶言坐客寒。無壇也。張華。鷦鷯賦。育嗣

道 信與宏忍。並住蘄州。雙峰山寺。傳燈錄。達摩至六

祖 慧能以法及衣相傳。河津神會禪師。謂六祖禪宗

推 為七祖。原注。李高簡有謝傳之風。李宗親有燕昭

之 美。彌勒成佛。經。大迦葉是佛大弟子。列仙傳。任佺

能 飛行。逐走馬。香爐峰在廬山。故曰轉盼。橘井在

馬 嶺上。故曰高寒。歸鶴謂遼東。用了令威事。踏鷺

謂交趾用馬授傳語。晉書。顧愷之常於瓦官幸画維

摩像文選王少頭陀寺碑文天台山賦衆香馥以揚烟決定經初地二地至于十地楞嚴經發大勇猛涅槃經如目盲人以金篦刮其眼膜圓覺經諸如來心如鏡中象

王嗣奭曰題屬詠懷故篇中詳于自敘而轉換穿插妙合自然唐人百韻詩杜公首倡句句精緻字字峭拔真千古獨擅之長

七言排律

泛太湖書事寄微之

白居易

烟渚雲帆處處通。飄然舟似入虛空。玉杯淺酌迎初日。金管徐吹曲未終。黃夾纈林寒有葉。碧琉璃水淨

無風。避旗飛鷺翩翩白。驚鼓跳魚潑刺紅。澗雪壓多松偃蹇。岩泉滴久石玲瓏。書為故事留湖上。吟作新詩寄浙東。軍府威容從道盛。江山氣色定知同。報君一事應君美。五宿澄波皓月中。

前解以泛湖起以後俱書事寄微之也

七言排律作者罕傳卽五言排律亦罕傳于中唐以後蓋中晚格調漸弱句欠警嚴故較之初盛大異如七言排則尤難於精警所以選家多不入帙今姑以白傳作備一體覽者可以知其大槩云

